

*Un Savio di terra ferma, in luogo de sier Piero Boldù è intrado Avogador per 2 mesi.*

Sier Zuan Contarini fo podestà a Vicenza, qu. sier Alvise, qu. sier Bertuzi procurator . . . . .	77.116
Sier Velor Pixani fo ai tre Savii sora i conti, qu. sier Zorzi . . . . .	44.155
Sier Hironimo Grimani fo Cao del Conseio di X, qu. sier Marin . . . . .	109. 95
Sier Giacomo Antonio Orio fo a la camera d'imprestidi, qu. sier Zuanne	93.108
Sier Lonardo Zantani fo a la camera d'imprestidi, qu. sier Marco . . . . .	86.113
Sier Marco Antonio Corner fo proveditor di comun, qu. sier Polo . . . . .	80.120
Sier Troian Bolani qu. sier Hironimo	85.115
Sier Ruzier Contarini fo a le Raxon vechie, qu. sier Bernardo . . . . .	61.131
Sier Anzolo Gabriel fo avogador di comun, qu. sier Silvestro . . . . .	102.100
† Sier Andrea da Molin fo a la camera d'imprestidi, qu. sier Piero . . . . .	126.73

Fu poi posto, per li Savii del Conseio et terra ferma, una parte di tuor imprestedo da tutta la terra con don di 16 per 100 et la restitution di danari del dazio del vin da Septembrio in là, con molte clausole, et si possi meter ori et arzenti in Zecha limitado il precio, vien a . . . . . per 100 *ut in parte*. Fu presa.

Fu posto, per sier Luca Trun procurator, sier Andrea Trivixan el cavalier et sier Lunardo Emo Savii del Conseio et Savii a terra ferma, una parte di dimandar imprestedo al clero da mar, come è stà al clero da terra ferma, per ducali . . . . . et esser fati creditori al Monte del sussidio *ut in parte*. Fu presa. Ave 133, 23, 24.

206\* Fu posto, per li Savii, far per le nostre terre archibusieri numero 20 milia, fata la compartition *ut in parte, videlicet* le ordinanze. La copia *etiam* di tal parte scriverò qui avanti. Fu presa.

Fu posto, per li Savii, che a Vicenza da Novara è in Monfalcon con 50 fanti, li sia cresuti altri 50, sì che el ne habbi 100

Fu posto, per li Savii, che a domino Marco Gradenigo et Gatlin da Bollo, contestabeli in Civald di Friul con 50 fanti per uno, li sia cresuti 50 altri fanti per uno, sì che ne habbino 100 per uno per custodia di Civald. Fu presa.

Fu posto, per li Savii del Conseio, terra ferma et ordeni, che le mercadantie sono in doana venute con le galie ultime di Alexandria si possi trar, et il nolo da ducati 25 in zoso lo debino depositar a doana, et da 25 in suso dar una piezaria *ut in parte*. Fu presa. Ave 95, 7, 2.

Fu posto, per li Consieri, . . . . . havendo il Pontifice dato l'abazia di Rosazo vachada per la morte del reverendissimo cardinal Grimani al reverendo episcopo di Verona *olim* Datario, come apar etc., et havendo instado il Legato et lo episcopo di Baius orator del re Christianissimo li sia dato il possesso, per tanto sia scritto al Luogotenente di la Patra di Friul li dagi il possesso di la ditta abbatia.

Et sier Alvise Mocenigo el cavalier, fo Consier, contradise dicendo ditto Datario haver hauto il vescò di Verona, li basta, et molti prelati nobeli che non hanno da viver el Papa doveria aiutarli, exortando il Conseio a non voler prender la parte.

Et li rispose sier Andrea Mozenigo el dottor Savio a terra ferma, qual era in settimana . . . . . Andò la parte, ave . . . . . et *iterum* balotata ave 128, 50, 19, non fu presa di 3 ballote; et fo di questo sacramentà il Conseio et comandà grandissima credenza.

In questa matina partì Andrea Rosso va secretario a stafetta al Christianissimo re, con la comision datoli per il Conseio di X.

*Item*, di ordine di Cai di X, andoe a Osopho domino Hironimo Sovergnan qual si partì questa notte, per dubito di perder quel locho per alcuni avisi hauto di trattato era di prenderlo.

1528 die 28 Aprilis in Rogatis.

207

*Ser Dominicus Trivisanus eques, procurator,*

*Ser Leonardus Mocenicus procurator,*

*Ser Lucas Tronus procurator,*

*Ser Marcus Dandulus doctor, eques,*

*Ser Franciscus Bragadenus,*

*Ser Andreas Trivisanus eques,*

*Ser Laurentius Lauredanus procurator,*

*Ser Hironimus Pisaurus,*

*Ser Leonardus Emus,*

*Sapientes Consilii.*

*Ser Andreas Mocenicus doctor,*

*Ser Petrus Maurocenus,*